

NOTA DE PRENSA

SELMANA DE LES LLETRES ASTURIANES EN RTPA

Xixón/Gijón, 4 de mayu de 2023.

Nesti viernes, 5 de mayu, a les 19:00 hores, Día de les Lletres Asturianas 2023 en RTPA. Dende'l Teatru Campoamor, d'Uviéu, RTPA va emitir en directo l'actu de l'Academia de la Llingua, del Día de les Lletres Asturianas. Nel actu va entregase a la poeta Lourdes Álvarez el III Premiu Nacional de Lliteratura Asturiana y va acoyese a David Guardado Díez como nuevu Académicu de Númberu. Amás d'ello, va contase cola actuación musical de Silvia Quesada, acompañada d'Alfredo González y Cristina Gestido.

Y esi mesmu viernes, a partir de les 22:30 hores, en TPA, "Babel" viste de gala dos vegaes: celebramos el trunfu del Telecable, l'equipu femenín de h.oquei sobre patinos, que traxo a casa la so sesta Copa d'Europa, y el Día de les Lletres Asturianas.

Vamos entamar celebrando'l trunfu deportivu coles componentes del equipu del Telecable y vamos charrar con dos d'elles. Natasha Lee, considerada una de les meyores xugadores del mundu y qu'esta temporada va dicir adiós a les competiciones, y Sara Rocés, capitana del Telecable Hockey y máxima goliadora hestórica del equipu na Copa d'Europa.

Amás, pa conmemorar el Día de les Lletres Asturianas, va visitar "Babel" la poeta, escritora y música Ana Lamela pa interpretar una de les sos composiciones. Nun va ser la única intérprete n'asturianu que va visitar el nuesu programa. El dúu que formen Leticia Baselgas y Rubén Bada, L&R, van pasar pela Bombilla que rexenten Sonia y Lisardo pa falanos de los sos nuevos proyectos musicales y de la so vida nel campu y de les distintes facetes d'una pareya personal y profesional. Avezaos a actuar nel estranxeru, Leticia y Rubén van amosanos qué tien la música asturiana pa que tenga tanta sonadía nel circuitu internacional. Al pie de l'actuación de L&R, "Anda neña", la nuesa compañera Nerea Vázquez va interpretar la so particular versión d'una tema tan popular como "Chalaneru".

Amás, la cuarta xornada de baille nel concursu de talentos “Asturies bailla”, nel que van participar conxuntos de baille de distintes academies asturianas, con estilu llibre y munches ganés de llevar los mil euros de premiu. Pa esti cuartu alcuentru, les coreografíes que se van representar nel escenariu de Babel van ser les de los grupos “Busy Souls” y “Blandiblubs Fusion”.

DOMINGU 7 DE MAYU

Con motivu de la 44 Selmana de les Lletres Asturianas, TPA va emitir a les 18h el musical infantil “Historia d'un bosque”, de Nacho Fonseca. Cola participación de la Orquesta Sinfónica del Principáu d'Asturies (OSPA), el Grupu d'Animación Musical Escolar (GAME), la Escuela de danza Alazne Castaño y voces femenines de la Escuela de Música Divertimento y Siero Musical. Solistes: Marta Fernández, María Alonso y Ellie Garnham. Narradores: Maite Casado y Alberto González. Director: Rubén Díez.

A partir de les 19:30 hores, “Siguir en Camín”. Nel capítulu d'esta selmana, Xosé Ambás y Ramsés Ilesies visiten el llugar d'Eiros, nel conceyu de Tinéu, p'atopar a Carmina, cola que repasen la tradición oral de la zona: romances, coples, esconxunros, aguilandos, cuentos...

A les 21:45, “Axuntábense”. Esta selmana, programa especial pol Día de la Madre, onde va haber gran variedá musical gracies a la Banda de Gaites La Reina del Truébano, l'Agrupación Folclórica Picos d'Europa, la cantadora Sandra Álvarez, el grupu Muyeres y la Escuela de Acordeones Ovetense. Amás de cuntar col showman Carlos Mesa.

La Banda de Gaites La Reina del Truébano ye una de les más importantes d'España y diríxela Luis Feito, tamién gaiteru. Empezaron nel añu 1996 y d'entós p'acá nun pararon de llevar la gaita asturiana per bien de sitios del mundu. Vamos cuntar tamién colos gaiteros más mozos, conocíos como El Enxambre. L'Agrupación Folclórica Picos d'Europa empezó como un taller de baille tradicional en Cangues d'Onís, y, depués de más de 15 años d'existencia, yá baillaron en munches celebraciones y fiestes de Cangues y de tol oriente d'Asturies. Amás de baillar, el grupu cunta con una sección de pandereteros. La cantadora Sandra Álvarez ye una de les meyores voces femenines de la tonada y, una vez más, vamos sentir la so manera particular d'interpretar canción asturiana.

El showman Carlos Mesa ye actor, músicu, cantante y baillarín. Vamos descubrir los sos oríxenes col grupu d'investigación Andecha Folclor d'Uviéu, amás de los sos escarceos cola tonada y los bailles tradicionales. Vamos facer un repasu a la so carrera artística y vamos falar de los sos proyectos musicales. Nesti programa dedicáu al Día de la Madre, el ramu va ponelu l'agrupación Muyeres col tema 'La llingua de los amantes'.

Nota sobre deporte femenín: TPA va emitir el domingu en directo la última etapa de La Vuelta a España femenina, una xornada que va trescurrir dafechu pel Principáu. Va salir de La Pola Siero y va rematar en Los Llagos de Cuadonga. Va ser el domingu a partir de les 14:30h.